

[48] CHAPITRE VI.

DE L'HYUERNEMENT D'VN PERE AUEC LES SAU-
UAGES.

VNE bonne escoliade de Sauuages Chrestiens se disposans pour leur grande chaffe & pour faire leur prouision de chairs d'Elan, me prièrent de leur donner vn Pere de nostre Compagnie qui les accompagnaft, ils apportoient pour raifon que les Iroquois les pourfuiuans par tout, ils estoient contraints de s'esloigner de plusieurs iournées de la maifon de prieres, & que dans leur fejour de plusieurs mois, ils fouhaittoient ardemment d'auoir quelqu'vn avec eux qui leur pût adminiftrer les Sacremens & leur enfeigner le chemin du Ciel. Le P. Gabriel Druilletes leur fut accordé, il fut bien-toft équipé, tout fon bagage estoit renfermé dans vne petite caiffe ou dans vn petit coffret qui ne contenoit que les ornemens neceffaires pour dire la fainte Meffe; le voila chargé de tous fes meubles & [49] d'vne bonne refolution de bien fouffrir, car quiconque s'embarque avec ces peuples ne fera iamais logé dans tout fon voyage qu'à l'enfeigne de la Croix; il eut pour compagnon vn ieune François qui ne luy pouuoit donner autre confolation que de le feruir à l'Autel; comme le gros des Sauuages auoient pris le deuant, deux ieunes hommes l'enleuerent dans vn petit batteau d'écorfe, & le porterent en peu de iours où ils s'estoient donné le rendez vous.